

Productornan di proyecto Bolivar a ofrece brindis na invitadonan local



Diasabra anochi, e productornan internacional di "Proyecto Bolivar" a ofrece un brindis na Delft Ballroom na Marriott Hotel, pa gradici tur e apoyo ricibi na Aruba pa dicho proyecto, a traves di cual mundo henter lo conoce e bida y obra di Libertador Simon Bolivar.

E delegacion encarga cu e produccion di e pelicula "Bolivar the Liberator" a expresa cu e pelicula aki ta bay hunga un papel importante no solamente pa e Pueblo di Venezuela, pero tambe pa otro 5 paisnan di Sudamerica, pa Aruba y Antiyas (specialmente Curacao).

Tabata presente na e cocktail party, personal di e planta di television Venezolano Televen, cu ta presenta e programa "Cada Dia" integra pa Anabelle Blum (locutor), Mercedes Añez (Camarografo), Ramon Escalona (Iluminacion), Carlos Montenegro (Asistente di Camara).

Riba combinacion di potret por mira e team di produccion di "Proyecto Bolivar", y tambe, hunto cu nos colega Django Simoons por observa e damanan abogado Mr.Hellen Lejuez y e legislador Mavis Chem, den compania di e director Sr.Alan Bridges. Den otro potret por mira e productor Edgard Meinhardt cu algun invitado special, y finalmente e actor Brasileño Guy Ecker den compania di e funcionario di Consulado di Venezuela Maria Teresa Mota.